

Fundacion C.V.A. Aruba a eligi Directiva nobo

FUNDACION C.V.A. Aruba a wordo funda na 2005 y tin como meta pa mehora bida di pacientnan cu a sufri un asina yama “Cerebro Vascular Accident”, esta un stroke. Tambe e fundacion ta traha pa duna

guia tanto na pacient, esnan encarga cu su cuido y na famia di pacientnan di stroke.

E fundacion ta activo tambe riba tereno di prevencion di stroke. Un stroke ta ora un ader

(arteria) cu ta manda sanger pa e cerebro kibra of blokea. Den algun minut esaki ta afecta nervionan esencial di e cerebro y den algun ora e nervionan aki lo muri, causando daño ireparable na e cerebro.

Dia 1 di februari Fundacion C.V.A. a eligi su Directiva nobo cu ta consisti di:

Presidente: Sra. Hellen Mohamed

Tesorero: Sr. Randolph

Vrolijk

Secretario: Sra. Angeline Flemming

Miembro: Sra. Tida Peterson

Miembro: Sra. Valery

Wilson

Miembro: Sra. Gererlinda van Cleef

Consehero: Dr. Jaime Falconi

Fundacion C.V.A. Aruba e aña aki ta celebrando su prome lustro. E aña di celebracion lo start fin di e luna aki cu un anochi social di reflexion y gradicimento pa tur cu a colabora cu e fundacion, y kendenan durante e cinco aña cu a pasa a asisti e fundacion cu ayudo, sosten y donacion.

Tambe lo tin diferente anochi informativo, un caminata pa recauda fondo y un conferencia tocante stroke den e plannan di e fundacion pa e aña aki. Finalmente Fundacion C.V.A. Aruba kier logra profesionalisa su website pa haci esaki mas accesibel pa su pacientnan y tur cu ta busca informacion tocante e fundacion y su metanan.